

## Mensahe 6

### Mangatiman sumala sa Dios

Basahong Kasulatan: Juan 21:15-17; 1 Ped. 5:2; 2:25; Efe. 4:12-16

#### **I. Ang pag-atiman malangkobon-sa-tanan ug malumo nga pagtagad nato sa panon—Juan 21:15-17; Buh. 20:28:**

- A. Ang pag-atiman nagpasabot sa pagtagad sa tanang panginahanglan sa mga karnero.
- B. Sangkapan gyod pag-ayo ug atimanon pag-ayo ang tanang karnero.

#### **II. Sa pahiuhi sa Ginoo karon, dinaliang gikinahanglan ang pagpangatiman—Juan 21:16; 1 Ped. 5:2:**

- A. Sa organicong kaluwasan Niya, gipanganak una ta pag-usab sa Dios Amahan pinaagi sa Dios Espiritu, unya giatiman ta diha sa Dios Anak nga atong Magbalantay aron mabuhi ug motubo ta diha sa Iyang kinabuhi sa eternidad—Juan 3:6; 10:10, 14-16.
- B. Mahinungdanon ang pagpangatiman nato sa mga magtutuo aron motubo sila sa diosnong kinabuhi hangtod mahamtong aron matukod ang Lawas ni Cristo—Efe. 4:12-16.

#### **III. Nag-agad sa pagpanudlo ang pagpangatiman; kon dili ta makatudlo, dili ta makaatiman—Mat. 28:19-20; 9:35-36:**

- A. Magkuyog gyod ang pagpangatiman ug pagpanudlo—Efe. 4:11.
- B. Kanunay gyong ubanan sa pagpanudlo ang atong pagpangatiman, ug kanunay gyong ubanan sa pagpangatiman ang atong pagpanudlo—Bug. 2:42; 20:28; Col. 1:28.

#### **IV. Kinahanglang makaila ug makasinati tang tanan ni Cristo nga Magbalantay sa atong mga kalag—1 Pet. 2:25:**

- A. Isip Magbalantay sa atong mga kalag, naglantaw si Cristo sa kahimtang nato sa sulod, nag-atiman sa sitwasyon sa pagkatawo nato sa sulod:
  - 1. Labi gyong nagtagad sa atong kalag ang organicong pagpangatiman ni Cristo—Sal. 23:3.
  - 2. Nangatiman Siya nato sa pag-atiman sa kaayohan sa atong kalag ug sa paglantaw sa kahimtang sa pagkatawo nato sa sulod—itandi sa Heb. 13:17.
  - 3. Sulodnon, tiunay, organicong paglipay kining pagpangatimana—2 Cor. 1:3-4.
- B. Kay makuti man kaayo ang atong kalag, gikinahanglan nato si Cristo nga Espiritung taghatag-og-kinabuhi nga naa sa atong espiritu, nga mangatiman nato sa atong kalag, mangatiman sa atong salabotan, pagbati, ug pagbuot ug sa tanan natong problema, panginahanglan, ug mga samad—Juan 14:16-17; 1 Cor. 15:45b; 6:17:
  - 1. Isip pneumaticong Magbalantay nato, giatiman ta ni Cristo sugod sa atong espiritu:
    - a. Nagsugod sa atong espiritu ang pagpangatiman Niya ug nikaylap sa matag bahin sa atong kalag—Efe. 3:17.
    - b. Gikan sa atong espiritu nidangat si Cristo sa tanang bahin sa atong kalag ug malumo, organico, malangkobon-sa-tanan nga nangatiman nato—1 Tes. 5:23.

2. Kini ang pagpangatiman sa sulod sa nahikay ug nahingpit nga Tulo-usang Dios nga nausa ug natagik sa gipanganak pag-usab nga mga magtutuo Niya—2 Cor. 13:14; Juan 3:16; 14:20; Rom. 8:16.

**V. Kadtong nangatiman sa panon sa Dios mangatiman gyod sumala sa Dios—1 Ped. 5:2; Fil. 1:21:**

- A. Ang mangatiman sumala sa Dios kana mang mangatiman uyon sa kinaiya, tinguha, paagi, ug himaya sa Dios, dili segun sa atong pagpili, interes, tuyo, ug disposisyon—2 Ped. 1:4; Efe. 1:5, 9; 3:21; Juan 14:6.
- B. Ang *sumala sa Dios* sa 1 Pedro 5:2 nagpasabot nga gikinabuhi nato ang Dios; kadto rang nagkinabuhi sa Dios ang makapangatiman sumala sa Dios:
  1. Ang pamatigayon sa Dios pag-umol man sa Iyang kaugalingon nganhi nato aron madawat nato Siya ingon nga atong kinabuhi ug sangkap sa kinabuhi aron ikinabuhi Siya—Juan 11:25; 6:48, 57.
  2. Niambit ta sa diosnong kinabuhi ug sa diosnong kinaiya aron makakinabuhi ta sa Dios sa atong pagka-tawo—Gal. 2:20.
- C. Aron makapangatiman sumala sa Dios, mahimo gyod tang Dios sa kinabuhi, kinaiya, pagpadayag, ug kagamitan apan dili sa ranggo sa pagka-Dios—Col. 3:4; 2 Ped. 1:4:
  1. Hingpit gyod tang magpapuno sa diosnong kinabuhi, magpahimulos sa Tulo-usang Dios nga tuboran, tubod, ug suba aron mahimong kinatibuk-an sa diosnong kinabuhi, mahimo man nganing diosnong kinabuhi mismo—Juan 4:14; Col. 3:4.
  2. Mahimo gyod tang Dios sa mga kaayo Niya nga gugma, kahayag, pagkamarong, ug pagkabalaan—1 Juan 4:8; 1:5; Rom. 3:21, 25-26; Efe. 1:4; 5:27; 1 Ped. 1:15-16.
  3. Mahimo gyod tang hulad ni Cristo, ang pagpadayag sa Dios, aron nga sa pagpangatiman nato magpadayag ta sa Dios, dili sa kaugalingon ug sa taras ug talagsaong mga kinaiya niini—Rom. 8:19, 29; 2 Cor. 3:18; Mat. 16:24.
  4. Mahimo gyod tang Dios sa pagbuhat Niya sa pagpangatiman sa panon sa Dios uyon sa pagkamao Niya ug segun sa tumong sa Iyang pamatigayon—Efe. 1:10.
- D. Kon buot tang mangatiman sumala sa Dios, kinahanglan mausa ta sa Dios—Juan 14:20; 1 Cor. 6:17:
  1. Ang sukaranong prinsipyo sa Biblia mao nga sa pamatigayon sa Dios, giusa Niya ang Iyang Kaugalingon sa tawo ug giusa ang tawo Kaniya—Juan 15:4; 1 Cor. 6:17.
  2. Tinguha sa Dios nga madugtong ang diosnong kinabuhi ug tawhanong kinabuhi aron mahimong usa ka kinabuhi nga usa rag pagkinabuhi—Juan 6:57; Gal. 2:20.
  3. Mausa ngani ta sa Dios, mahimo tang Dios sa kinabuhi ug kinaiya ug Dios ta sa pagpangatiman nato sa uban—1 Juan 5:11-12; 2 Ped. 1:4; 1 Ped. 5:2.

**VI. Aron makapangatiman sumala sa Dios, magkinabuhi gyod ta sa kinabuhing nangatiman—Juan 21:15-17; 2 Cor. 6:1-13; 7:2-3:**

- A. Labi tang maumolan ni Cristo, labi sab ta nga diha-dayong magkinabuhi sa kinabuhing nangatiman kay ang pagkaumol ni Cristo sa espirituhanong kinabuhi nato duna may aspeto sa pagpangatiman—Col. 1:27; 3:10-11, 14; Juan 21:15-17.
- A. Aron maanaay kinabuhing nangatiman, nagkinahanglan tag nidako nga kasing-

kasing, sa kasingkasing nga mohangop sa tanang katawhan sa Dios—2 Cor. 6:11-13; 7:2-3; itandi sa 1 Hari 4:29.

- B. Ang kinabuhing nangatiman kinabuhing nagdasig sa uban sa pagpangga kanila diha sa pagka-tawo ni Jesus aron matil-ogan sila diha sa pagkadios ni Cristo sa kadato Niya—Efe. 5:29; Prov. 25:15.
- C. Ang kinabuhing nangatiman kinabuhing mapahaomon-sa-tanan, kinabuhing makapahaom sa tanang sitwasyon, makadawat sa bisan unsang palibot, ug makabuhat diha sa bisan unsang kahimtang—2 Cor. 6:1-13; 7:2-3.
- D. Atimanon gyod nato ang panon sa Dios sumala sa mahigugmaon ug malumong kasingkasing sa atong Amahan nga Dios ug sumala sa mapangitaon ug maati-manong espiritu sa atong Manluluwas nga Cristo—Luc. 15:1-32.

**VII. Ang pagpangatiman nga makatukod sa Lawas ni Cristo pag-atimanay man sa usag usa—1 Cor. 12:23-26:**

- A. Maanaa gyod unta tang tanan sa organicong pag-atiman ni Cristo ug mausa Niya sa pag-atimanay sa usag usa—Juan 21:15-17.
- B. Mga karnero ug mga magbalantay tang tanan, nga nag-atimanay sa usag usa.
- C. Sa pag-atimanay, nangatiman ta sa usag usa diha sa gugma—1 Cor. 13:1-13.
- D. Pinaagi ning pag-atimanay, matukod ang iglesia nga Lawas ni Cristo sa iyang kaugalingon diha sa gugma—Mat. 16:18; Efe. 1:22-23; 2:21-22; 4:16.